



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Solvuntur objectiones

[urn:nbn:de:hbz:466:1-77355](#)

ab homine ut causa particulari. Consequentia A patet: quia tam voluntas quæ vult rem ut habet rationem boni, quam quæ non vult illam ut habet rationem mali, bona est. Antecedens probatur: nam, ut inquit S. Thomas, *Voluntas fertur in suum objectum, secundum quod à ratione proponitur: contingit autem aliquid à ratione considerari diversimode, ita quod sub una ratione est bonum, & secundum aliam rationem non bonum.* Unde si intellectus Dei, qui est creator & gubernator universalis omnium, proponat ejus voluntati aliqua objecta mala & inconvenientia, putâ pestem, bellum, mortem, aut alias miseras & calamitas, ut conducent ad manifestationem sue justitia, aut misericordia, vel ad bonum & pulchritudinem universi, illa erunt bona & convenientia respectu voluntatis divine, mala autem & inconvenientia voluntati humanae; quia intellectus humanus, cùm sit particularis, ea non proponit sub ratione illa generali boni, sed ut mala & nociva proprio supposito cuius voluntas est inclinatio: Ergo &c.

39. Hæc ratio illustrari potest exemplo occisionis latronis, quæ secundum rationem universalem, & relationem ad bonum commune reipublica, quâ ratione eam considerat Judge, bona est; siveque Judge, dum vult occisionem latronis, quia justa est, bonam voluntatem habet: secundum rationem verò particularem, quatenus scilicet est privatio vitæ latronis, familiae inconvenientis, quâ ratione eam considerant uxor & filii ipsius, mala est, siveque voluntas uxoris, & filiorum, nolentium maritum, aut patrem occidi, est etiam bona. Cùm ergo pariter eadem res, v. g. mors hominis, relata ad communem ordinem universi, vel propter ostensionem divine justitiae, possit esse bona, mala verò respectivè ad filium hujus hominis, qui ejus patrocinio orbatus manet, & ad quem non attinet communis ordo universi, aut divina justitia; poterit simul justè & rationabiliter esse volita à Deo, & nolita ab homine. Unde Augustinus in Enchir. cap. 101. ait: *Aliquando bona voluntate homo vult aliquid, quod Deus non vult. Tamquam si bonus filius patrem velit vivere, quem Deus bonâ voluntate vult mori.* Similia habet Anselmus in libro de voluntate Dei, ad medium, & in libro de similitudinibus cap. 159. ubi hæc scribit: *Non semper debemus velle quod Deus vult, sed hoc debemus velle quod Deus vult nos velle debere. Volut enim Deus B. Marinum ab hac vita tollere: sed si ejus discipuli hoc tunc voluisserint, crudeles extinxissent; at noluerunt quod Deus noluit, sed voluerunt quod Deus vult eos velle debere, & viam iustitiae tenuere.*

40. Confirmatur: Omnes res mihi molestas & nocivas scio in particulari esse factas à Deo, subindeque ab ipso volitas, ut venenum, ægritudinem, ardorem solis, combustionem ignis, mustcas, pulices, culices, serpentes &c. & ramen non teneor omnia ista velle, quia molesta & nociva sunt; sed possum ac debeo ea fugere & vitare: Ergo non omni volito materiali teneor conformari, tametsi sciám in particulari esse volitum à Deo, sed possum illud respuerere, & media ad illud vitandum inquire, & adhibere.

41. Adverte tamen, quod quando aliquis adhibet hujusmodi media voluntati divinae opposita, non debet id facere ex intentione repugnandi voluntati Dei, seu impediendi efficaciam & or-

dinationem ipsius providentia, alias peccarer; sed solum ut repellat à se id quod sibi nocivum & molestum est.

Adverte etiam me dixisse in conclusione, hominem non teneri conformari voluntati divina in volito materiali, nisi quando voluntas divina nobis præcepto vel prohibitiō manifestatur: quia hoc est discrimen inter voluntatem Dei præcipientem, vel prohibentem aliquid, & omnes alias, ut voluntatem beneplaciti, consilij, permissionis, quod hæc voluntas præcipiens, vel prohibens, habet annexam voluntatem obligandi hominem ad agendum vel non agendum aliquid, quod non habent alias voluntates. Unde D. Thomas 2. 2. qu. 104. art. 4. ad 3. ait: *Etsi non teneatur homo velle quod Deus vult, semper tamen tenetur velle quod Deus vult cum velle: & hoc homini præcipue innoteſcit per præceptum diuinum: & idèo tenetur homo in omnibus, diuinis præceptis obediare.*

S. II.

Solvuntur objectiones.

OBICES primò contra secundam conclusionem: D. Thomas in 1. diff. 48. qu. unica art. 4. docet, quod licet voluntas ut natura, & appetitus sensitivus, possint refugere id quod Deus vult, deliberatâ tamen voluntate tenetur conformari divina voluntati in volito. Ubi loquitur aperte de volito materiali: nam respectu voliti formalis non habet locum appetitus sensitivus, aut voluntas ut natura, cùm non possint attingere finem propter quem Deus operatur. Et qu. 23. de verit. art. 8. ad 3. ponit differentiam inter voluntatem Prælati & Dei, aitque, *Quod voluntas Prælati non est regula nostræ voluntatis, sicut divina voluntas, sed præceptum ejus.* Ergo iuxta D. Thomam ista obligatio conformandi nos divina voluntati, non est regulanda per præceptum, sed per simplicem voluntatem.

D Propter hæc testimonia Conradus hic super art. 10. & Suarez tract. 3. disp. 11. sect. ultimâ, existimat S. Thomam esse in ea sententia, quod voluntas humana deliberata, tenetur conformari divina in volito materiali. Verum cùm S. Doctor tam clarè & perspicue locis supra adductis sententiis nostram exprefserit, de ejus mente non est dubitandum, sed ista loca debent juxta ea quæ in aliis exprefse docet exponi. Unde ad primum dicendum est, D. Thomam loqui de voluntate deliberata, ut sequitur cognitionem apprehendentem rationes superiores & divinas; quam voluntatem contraponit appetitu sensitivo, & voluntati ut est natura, quæ non resipiunt superiores rationes, & motiva, quibus divina voluntas movetur, sed solum particulares & proprias, quæ sibi naturales sunt: sic autem accipiendo voluntatem, tenetur conformari voluntati divina in volito etiam materiali; quia tunc volitum illud non consideratur secundum se & absolutè, sed prout stat sub ordine ad finem, ad quem Deus illud ordinat, subindeque ipsum volitum formale, id est motivum ipsum voluntatis divinae, involuit.

Ad secundum respondetur, D. Thomam loquide voluntate divina pro volito formalis: quia dicit voluntatem Prælati non esse regulam nostræ voluntatis, sicut est voluntas divina, sed præceptum ejus: constat autem voluntatem divi-

nam esse regulam, non ratione voliti materialis, sed ratione voliti formalis, quia formalis ratio volendi in Deo est ipsa iustissima rerum omnium dispositio, cui semper tenetur conformari: ratio autem formalis quam moveret praelatus, est particularis quamdam ratio & dispositio, cui subditus non tenetur conformari, nisi adsit praceptum.

46. Objecies secundò: Nos petimus in oratione dominica, ut fiat voluntas Dei in terra sicut in celo: At in celo Beati conformantur voluntati divinae, non solum in volito formalis, sed etiam in materiali, ut concedit D. Thomas hic art. 10. ad 1. Ergo & in terra debent viatores voluntatem suam conformare divinae, etiam in volito materiali: maximè cum voluntas Dei in omni suo volito sit iustissima, & rectissima, & volitum divinum, utpote primum in tali genere, sit regula, & mensura ceterorum. Adde quod ad perfectam amicitiam requiritur concordia voluntatum, seu quodammodo amici habeant idem velle & nolle. Denique 1. Regum 16. Dominus increpavit Samuelem, eò quod lugeret Saülem, quem ipse reprobaverat, dicens: *Vt quequò tulges Saül, cum ego projecerim eum ne regnet?* Sed non est credibile Prophetam tunc discordasse à voluntate Dei in volito formalis (est enim opponere se divinae providentiae, & peccatum mortale) sed solum in volito materiali, ex amore Saülis, quem ipse in regem unixerat: Ergo non solum in volito formalis, sed etiam in materiali, tenemur conformari voluntati divinae.

47. Respondeo hæc verba orationis dominicae, fiat voluntas tua sicut in celo & in terra, vel esse intelligenda de voluntate præceptiva; & per eam nos petere à Deo, ut in omnibus in terra divinis obtemperemus præceptis, sicut Beati in celo semper obediunt Deo in omnibus, ut ex Augustino exponit S. Thomas in Catena, super hæc verba, & 2. 2. qu. 83. art. 9. ad 1. & 1. par. quæst. 19. art. 11. Vel si sit fermo de voluntate Dei respectu cujuscunque voliti, solum denotare nos debere conformari voluntati in quoque volito, non secundum se & absolute, sed prout stat sub ordine ad finem ad quem Deus illud ordinat, velleque ut ordo divinae voluntatis in omnibus impleatur. Quod vero in patria omnes conformantur divino volito etiam materiali, est propter illius status perfectionem, ubi cognititia Dei voluntate, operantur solum secundum rationes æternas & superiores, & sub illo motivo quo Deus vult res illas: sed nobis operantibus juxta particulares & temporales rationes, licitum est velle oppositum secundum illas rationes, imò aliquando ad id tenemur, ut infra patebit.

48. Neque obstat quod voluntas Dei in omni suo volito sit iustissima & rectissima: tum quia non tenemur velle omne quod justum & rectum est, nisi adsit præceptum: tum etiam quia cum voluntas Dei sit altioris & universalioris ordinis, & respiciat ea quæ vult sub universaliori motivo, quam voluntas creata, aliquando id quod justum & rectum est respectu Dei, ut universalis provisoris, non est justum nec rectum respectu causa particularis, ut patet in permissione peccatorum, & damnatione reproborum, quæ Deus recte & iuste vult, & quæ ego velle non possum, quia voluntas mea operatur secundum rationes particulares, & ad me non pertinet gubernatio universi.

A Non obstat etiam quod voluntas nostra debeat conformari primo volito, quod est regula & mensura ceterorum: nam ut ait D. Thomas qu. 24. de verit. art. 8. ad 3. ex his quæ proposuerat in arguento, sed contra: *Primum volitum à Deo, quod est mensura & regula omnium aliorum volitorum, est finis voluntatis ejus, scilicet sua bonitas; omnia enim alia non vult, nisi propter hunc finem;* & idem dum voluntas nostra divina voluntati conformatur in fine, ad primum volitum omnia volita nostra regulantur.

B Ad id quod additur de lege perfectæ amicitiae requirentis concordiam voluntatum, respondet similiter in resp. ad 2. *Quodammodo amicitia consistit in concordia voluntatum magis quodammodo finem,* quam quodammodo ipsa volita: plus enim esset amicus fabricantem medicus, qui ei vinum negaret propter desiderium sanitatis, quam si vellet ejus desiderio satisfacere de vini potatione, in periculum satnatis.

C Deinde dico, non eodem modo loquendum esse de legibus amicitiae cum Deo, & cum hominibus: nam voluntas Dei est universalissima, & complectitur omnia; unde non solum vult aliquid fieri, sed etiam vult aliquid illi rei contrariari & in oppositum conari: quare cum Deo implet leges amicitiae, non solum qui vult aliquid quod à Deo volitum & factum est, sed etiam qui rei illi contrariatur, & conatur ad oppositum (seclusò præcepto) quia id totum complectitur voluntas talis amici.

D Ad aliud de Samuele, lugente Saülem, respondeo, verba illa non dici per modum incrementationis, quasi peccaverit Samuel lugendo Saülem, sed per modum repulsæ orationis ejus: quia in hoc non erat exaudiendus Samuel pro Saüle; cùm Deus decrevisset eum abijcere.

E Objecies tertio: Homo tenetur conformari volito divino formalis, ut diximus in prima conclusione: Ergo & materiali. Probatur consequentia: quia volitum Dei formale non reperiatur in abstracto, sed in concreto, & applicatum isti vel illi materiae: Ergo si homo tenetur conformari volito divino formalis, tenetur etiam materiali & particulari volito conformari.

F Respondeo concessò Antecedente, distinguendo Consequens: debet conformari volito materiali, secundum se & absolute, nego: ut subest formalis, & stat sub ordine ad finem, concedo. Solutio est D. Thomæ loco supra adducto ex qu. 23. de verit. art. 8. ubi ait: *Divina voluntati simpliciter in fine conformari tenemur in volito autem non, nisi secundum quod illud volitum consideratur sub ordine ad finem, &c.* Unde ibidem in resp. ad 4. & 5. docet quod hoc modo voluntas humana Christi, & B. Virginis, conformis fuit voluntati divinae volenti Christum mori: nam quamvis Christus, dicens Matth. 26. *Pater mihi, si possibile est, transeat à me calix iste,* & B. Virgo dolens de Filii morte, nollet passionem illam in se consideratam, volebant tamen illam, ut erat volita à Deo ob redemptionem generis humani, & prout stabat sub ordine divinae voluntatis & providentie.

G Ad complementum hujus quæstionis quæres, an licet homo non tenetur semper conformari voluntati divinae in volito materiali, id tamen semper licitum & laudabile sit?

H Respondeo id quidem regulariter loquendo esse bonum & laudabile; interdum tamen non licere, sed esse malum & peccatum,

Prima pars patet: Tum quia bonum & laudabile est quod nos viatores, quantum possibile fuerit, conformemur in operando Beatis: At Beati non solum in volito formaliter, sed etiam in materiali conformantur voluntati divinae: Ergo talis conformitas, regulariter loquendo, est bona & laudabilis; imo veluti quedam imago & expressio, seu pragmatio & participatio futurae beatitudinis. Tum etiam quia cum voluntas Dei sit prima regula totius sanctitatis, tanto magis homo perficitur & sanctificatur, quanto intimum divinæ voluntati conjungitur. Addo quod in tali conformitate consistit perfectissimum exercitium charitatis, ut ostendunt Gratianus, Rodriguez, & alii Doctores mystici.

Secunda verò pars suaderetur: Licet quodlibet volitum materiale Dei, comparatione ad ipsum Deum ut generalem provisorem, & universi gubernatorem, semper sit melius, non tamen respectu nostri: quia nos aliquando tenemur attendere ad rationem aliquam particularem praecepti, vel documenti proximi, vel scandali; & sic saepe erit conveniens quod sub illis rationibus particularibus, non ipsum, sed oppositum prosequamur.

Confirmatur: Si quis videat patrem suum morti, & mori in peccate mortali, & per consequens esse damnatum, ex ipso opere videt id esse voluntatem Dei, alias non sic eveniret: Sed non est bonum & laudabile quod filius velit mortem & damnationem aeternam patris, imo ex charitate & pietate tenetur ei velle & procurare vitam & salutem aeternam: Ergo tunc non est bonum & laudabile convenire cum voluntate divina in volito materiali, secundum se & absolutè sumpto. Quod addo: quia si tale volitum consideretur ut subest ratione formalis sub qua volitum est à Deo, bonum est illi conformari; omne enim volitum à Deo, sub illa ratione sub qua est ab ipso volitum, justum & sanctum est: unde Beati in celo qui operantur solum secundum rationes aeternas & superiores, & nihil volunt nisi sub eo motivo sub quo est volitum à Deo, complacent sibi de morte & damnatione parentum, imo & de permissione peccatorum, & tota serie reprobationis aliorum sibi revelatae à Deo, iuxta illud Psalmi 57. Letabitur justus cum viderit vindictam, manus suas lavabit in sanguine peccatoris.

DISPUTATIO VII.

De moralitate actus exterioris.

Ad questionem 20. Divi Thome.

PLVR A disputari solent de bonitate & malitia actus exterioris, quæ ex supra dictis facilè intelligi possunt: unde pauca de his nobis hinc superlunt dicenda.

ARTICVLVS UNICVS.

An actus exterior aliquid bonitatis vel malitiae addat ad voluntatem efficacem ejusdem exterioris actus?

CERTVM est de fide, actum exteriorem, interiori supposito, veram bonitatem & malitiam moralē habere; cum illo supposito sit liber, & ratione conformis vel disformis. Unde in octo primis Decalogi præceptis, vel præcipiuntur, vel prohibentur actus exteriores: certum est autem quod à Deo non prohibentur nisi mala, nec præcipiuntur nisi bona. Item paucim tam in veteri quam in novo Testamento reprehendunt plures actus interiores, & alii laudantur: quod evidens argumentum est, aliquos esse malos, & alios bonos moraliter.

Hoc supposito, inquirimus an actus exterior addat bonitatem vel malitiam ad interiore, à quo imperatur; vel extrinsecè tantum ab eo bonus aut malus denominetur, scut urina extrinsecè tantum dicitur sana à sanitate qua est in animali?

Scotus quodlib. 18. art. 3. existimat actum exteriorem addere bonitatem vel malitiam actui interiori, quantumcumque efficaci; ita ut plus bonitatis moralis habeat voluntas dandi elemosynam cum actu dandi, quam extrinsecus impedita; & plus malitiae voluntas occidenti homini, occisione secutâ, quam impedita. Eadem sententiam tuentur ejus Discipuli, Liquetus, Tartaretus, Bassolius, Rada, & alij quos referit & sequitur Franciscus Felix tractatu de bonit. & malit. cap. 9. difficult. 1. Quibus ex parte subscriptis Vazquez hic disp. 37. cap. 5. ubi docet actus omnino externos, ut furari, occidere, &c. esse formaliter malos primari & per se, & non solum per denominationem à malitia internorum; de bonitate vero assertit eam non inventari formaliter, nisi in actu voluntatis.

Oppositum docere Magister Sententiarum in 2. dist. 42. & ibi Albertus Magnus, S. Bonaventura, Richardus, Durandus, & D. Thomas hic art. 4. cum omnibus ejus Discipulis, quo sequuntur plures ex Recentioribus. Unde

S. I.

Conclusio negativa statuitur.

DIco igitur: Actus exterior, qui est mera executio interioris actus voluntatis, non addit illi bonitatem vel malitiam simpliciter in ordine ad primum vel pœnam essentiale, sed solum secundum quid, & in ordine ad primum vel pœnam accidentale; sive non simpliciter, sed solum secundum quid hominem meliorem aut pejorem efficit.

Prima pars hujus conclusionis in primis colligitur ex Scriptura, & SS. Patribus: Deus enim Genes. 22. dixit Abraham: *Quia fecisti hanc rem, & non pepercisti filio tuo unigenito propter me, benedicam tibi.* Ubi apparet quod Dominus efficacem Abraham voluntatem non distinxit ab actu, in executione non posito ex impedimento exteriori, & adeò gratam voluntatem ipsius habuit, ac si verè occidisset filium. Unde Chrysostomus homil. 47. in Genesim verba illa expendens, subdit: *Quoniam ad voluntatem eruerat*